



志第十五

遼史四十五

開府儀同三司在國錄軍國事書右丞同監修國史領經筵事都總裁臣脫脫奉

勅修

百官

官生於職職汭於事而名加之後世汭名不究其實吏部一太宰也為大司徒為尚書為中書為門下兵部一司馬也為大司馬為大尉為樞密使汭古官名分今之職事以配之於是先王統理天下之法如治絲而棼名實淆矣契丹舊俗事簡職專官制朴實不以名亂之其興也勃焉太祖神冊六年詔正班爵至于太宗兼制中國官分南北以國制治

契丹以漢制待漢人國制簡朴漢制則必名之風固存也
遼國官制分北南院北面治宮帳部族屬國之政南面治
漢人州縣租賦軍馬之事因俗而治得其宜矣初太祖分
迭剌夷離莫爲北南二大王謂之北南院宰相樞密宣徽
林牙下至郎君護衛皆分北南其實所治皆北面之事語
遼官制者不可不辨凡遼朝官北樞密視兵部南樞密視
吏部北南二王視戶部夷離畢視刑部宣徽視工部敵烈
麻都視禮部北南府宰相總之惕隱治宗族林牙修文皆
于越坐而論議以象公師朝廷之上事簡職專此遼所以
興也

契丹北樞密院掌兵機武銓群牧之政凡契丹軍馬皆屬
焉以其牙帳居太內帳殿之北故名北院元好問所謂北
衙不理民是也

北院樞密使

知北院樞密使事

知樞密院事

北院樞密副使

知北院樞密副使事

同知北院樞密使事

簽書北樞密院事

北院都承旨

北院副承旨

北院林牙

知北院貼黃

給事北院知聖旨頭子事

掌北院頭子

北樞密院敝史

北院郎君

北樞密院通事

北院掾史

北樞密院中丞司

北南樞密院點檢中丞司事

總知中丞司事

北院左中丞

北院右中丞

同知中丞司事

北院侍御

契丹南樞密院掌文銓部族丁賦之政凡契丹人民皆屬焉以其牙帳居大內之南故名南院元好問所謂南衙不主兵是也

南院樞密使

知南院樞密使事

知南院樞密事

南院樞密副使

知南院樞密副使事

同知南院樞密使事

簽書南樞密院事

南院都承旨

南院副承旨

南院林牙

知南院帖黃

給事南院知聖旨頭子事

掌南院頭子

南樞密院敝史

南院郎君

南樞密院通事

南院掾史

南樞密院中丞司

北南樞密院點檢中丞司事

總知中丞司事

南院左中丞

南院右中丞

同知中丞司事

南院侍御

北宰相府掌佐理軍國之大政皇族四帳世預其選

北府左宰相

北府右宰相

總知軍國事

知國事

南宰相府掌佐理軍國之大政國舅五帳世預其選

南府左宰相

南府右宰相

總知軍國事

知國事

北大王院分掌部族軍民之政

北院大王初名迭刺部夷離筭美昶分北南院太宗

會同元年改夷離筭為大王

知北院大王事

北院太師

北院太保

北院司徒

北院司空

北院郎君

北院都統軍司掌北院從軍之政令

北院統軍使

北院副統軍使

北院統軍都監

北院詳穩司掌北院部族軍馬之政令

北院詳穩

北院都監

北院將軍

北院小將軍

北院都部署司掌北院部族軍民之事

北院都部署

北院副部署

南大王院分掌部族軍民之政

南而大王

知南院大王事

南院大師

南院太保天慶八年省南院太保

南院司徒

南院司空

南院郎君

南院都統軍司掌南院從軍之政令

南院統軍使

南院副統軍使

南院統軍都監

南院詳穩司掌南院部族軍馬之政令

南院詳穩

南院都監

南院將軍

南院小將軍

南院都部署司掌南院部族軍民之事

南院都部署

南院副部署

宣徽北院太宗會同元年置掌北院御前祇應之事

北院宣徽使

知北院宣徽事

北院宣徽副使

同知北院宣徽事

宣徽南院會同元年置掌南院御前祇應之事

南院宣徽使

知南院宣徽事

南院宣徽副使

同知南院宣徽事

大于越府無職掌班百僚之上非有大功德者不授遼國尊官猶南面之有三公太祖以遙輦氏于越受禪終遼之世以于越得重名者三人耶律曷魯屋質仁先謂之三于越

大于越

大惕隱司太祖置掌皇族之政教興宗重熙二十二年耶律義先拜惕隱戒族人曰國家三父房最爲貴族凡天下風化之所自出不孝不義雖小不可爲其妻晉國長公主之女每見中表必具禮服義先以身率先國族化之遼國設官之實於此可見太祖有國首設此官其後百官擇人必先宗姓

惕隱亦曰梯里巴

知惕隱司事

惕隱都監

夷離畢院掌刑獄

夷離畢

左夷離畢

右夷離畢

知左夷離畢事

知右夷離畢事

敝史

選底掌獄

大林牙院掌文翰之事

北面都林牙

北面林牙承旨

北面林牙

左林牙

右林牙

敵烈麻都司掌禮儀

敵烈麻都

總知朝廷禮儀

總禮儀事

文班司所掌未詳

文班太保

文班林牙

文班牙署

文班吏

阿札割只所掌未詳遙輦故宮後併樞密院

阿札割只

北面御帳官

三皇聖人也當淳朴之世重門擊柝猶嚴於待暴客遼之先世未有城郭溝池宮室之固氈車為營硬寨為宮御帳之官不得不謹出於貴戚為侍衛著帳為近侍北南部族為護衛武臣為宿衛親軍為禁衛百官番宿為宿直奉宸以司供御三班以肅會朝硬寨以嚴晨夜法制可謂嚴密

矣考其凡如左

侍衛司掌御帳親衛之事

侍衛太師

侍衛太保

侍衛司徒

侍衛司空

侍衛

近侍局

近侍直長

近侍

近侍小底

近侍詳穩司

近侍詳穩

近侍都監

近侍將軍

近侍小將軍

北護衛府掌北院護衛之事皇太后宮有左右護衛

北護衛太師

北護衛太保

北護衛司徒

總領左右護衛司

總領左右護衛

左護衛司

左護衛太保

左護衛

右護衛司

右護衛太保

右護衛

南護衛府掌南院護衛之事

南護衛太師

南護衛太保

南護衛司徒

總領左右護衛司

總領左右護衛

左護衛司

左護衛太保

左護衛

右護衛司

右護衛太保

右護衛

奉宸司掌供奉宸御之事

官名未詳

奉宸

三班院掌左右寄班之事

左班都知

右班都知

寄班都知

三班院祗候

宿衛司專掌宿衛之事

總宿衛事亦曰典宿衛事

總知宿衛事

同掌宿衛事

宿衛官

禁衛局

總禁衛事

禁衛長

宿直司掌輪直官負宿直之事皇太后宮有宿直官

宿直詳穩

宿直都監

宿直將軍

宿直小將軍

宿直官

宿直護衛

硬寨司掌禁圍槍寨下鋪傳鈴之事

硬寨太保

皇太子惕隱司掌皇太子宫帳之事

皇太子惕隱

北面著帳官

古者刑人不在君側叛逆家屬沒為苦帳執事禁衛可為
寒心此遼世所以多變起肘掖歟

著帳郎君院遙輦痕德堇可汗以蒲古只等三族害于越
室魯家屬没入瓦里應天皇太后知國政析出之以爲著
帳郎君娘子每加矜恤世宗悉免之其後內族外戚及世
官之家罪犯者皆没入瓦里人力益衆因復故名皇太后
皇太妃帳皆有著帳諸局

著帳郎君節度使

著帳郎君司徒

祇候郎君班詳穩司

祇候郎君班詳穩

祇候郎君直長

祇候郎君開撒狝

祇候郎君

祇候郎君撻刺

左祇候郎君班詳穩司

左祇候郎君班詳穩

左祇候郎君直長

左祇候郎君開撒狝

左祇候郎君

左祇候郎君撻刺

右祇候郎君班詳穩司

右祗候郎君班詳穩

右祗候郎君直長

右祗候郎君開撒狹

右祗候郎君

右祗候郎君拽刺

筆硯局

筆硯祗候郎君

筆硯吏

牌印局

牌印郎君

裊褥局

裊褥郎君

燈燭局

燈燭郎君

牀幔局

牀幔郎君

殿幄局

殿幄郎君

車輿局

車輿郎君

御戈盃局

御盃即君

本班局

本班即君

皇太后祗應司

領皇太后諸局事

知皇太后宮諸司事

皇太妃祗應司

皇后祗應司

近位祗應司

皇太子祗應司

親王祗應司

著帳戶司本諸幹曾家戶析出及諸色人犯罪没入凡御帳皇太后皇太妃皇太子近位親王祗從伶官皆充其役

著帳節度使

著帳殿中

承應小底局

筆硯小底

寢殿小底

通志十五
佛殿小底
司藏小底
習馬小底
鷹坊小底
湯藥小底
尚飲小底
盥漱小底
尚膳小底
尚衣小底
裁造小底

北面皇族帳官

肅祖長子洽春之族在五院司叔子葛刺季子洽禮及懿
祖仲子帖刺季子惠古直之族皆在六院司此五房者謂
之二院皇族玄祖伯子麻魯無後次子巖木之後曰孟父
房叔子釋魯曰仲父房季子為德祖德祖之元子是為太
祖天皇帝謂之橫帳次曰刺葛曰迭刺曰寅底石口安端
曰蘇皆曰季父房此一帳三房謂之四帳皇族二院治之
以北南二玉四帳治之以大內惕隱皆統於大惕隱司
大內惕隱司掌皇族四帳之政教

大內惕隱

知大内惕隱事

大内惕隱都監

大橫帳常衮司掌太祖皇帝後九帳皇族之事

橫帳常衮亦曰橫帳敞穩

橫帳太師

橫帳太保

橫帳司空

橫帳郎君

橫帳知事

子與父族帳常衮司掌蜀國王巖木房族之事

仲父族帳常衮司掌隋國王釋魯房族之事

季父族帳常衮司掌德祖皇帝三房族之事

四帳都詳穩司掌四帳軍馬之事

都詳穩

都監

將軍本名敞史

小將軍

橫帳詳穩司

孟父帳詳穩司

仲父帳詳穩司

季父帳詳穩司

舍利司掌皇族之軍政

舍利詳穩

舍利都監

舍利將軍

舍利小將軍

舍利

梅里

親王國官制未詳

王府近侍

王府祗候

大東丹國中臺省太祖天顯元年置乾亨元年聖宗省

左大相

右大相

左次相

右次相

王子院掌王子各帳之事

王子太師

王子太保

王子司徒

王子司空

王子班郎君

駙馬都尉府掌公主帳宅之事

駙馬都尉

北面諸帳官

遼太祖有帝王之度者三代遙輦氏尊九帳於御營之上
一也滅渤海國存其族帳亞於遙輦二也併奚王之衆撫
其帳部撫於國族三也有英雄之智者三任國舅以稱皇
族崇乙室以抗奚王列二院以制遙輦是已觀北面諸帳
官可以見之矣

遙輦九帳大常衮司掌遙輦汪可汗阻午可汗胡刺可汗
蘇可汗鮮質可汗昭古可汗耶瀾可汗巴刺可汗痕德董
可汗九世宮分之事太祖受位于遙輦以九帳居皇族一
帳之上設常衮司以奉之有司不與焉凡遼十二宮五京
皆太祖以來征討所得非受之於遙輦也其待先世之厚
蔑以加矣遼俗東嚮而尚左御帳東嚮遙輦九帳南嚮皇
族三父帳北嚮東西爲經南北爲緯故謂御營爲橫帳云
大常衮亦曰敬穩

遙輦太師

遙輦太保

遼輦太尉

遼輦司徒

遼輦司空

遼輦侍中一作世燭太宗會同元年置

敬史

知事

遼輦帳節度使司

節度使

節度副使

遼輦紇詳穩司

遼輦紇詳穩

遼輦紇都監

遼輦紇將軍

遼輦紇小將軍

遼輦剋官名未詳

大國舅司掌國舅乙室已按里二帳之事太宗天顯十年合皇太后二帳為國舅司聖宗開泰三年又併乙室已按里二司為一帳

乙室已國舅大翁帳常衮一作敬穩

乙室已國舅小翁帳常衮

拔里國舅大父帳常袞

拔里國舅少父帳常袞

國舅太師

國舅太保

國舅太尉

國舅司徒

國舅司空

敬史太宗會同元年改郎君為敬史知事

國舅乙室已大翁帳詳穩司

國舅詳穩

國舅都監

國舅本族將軍

國舅本族小將軍興宗重熙五年樞密院奏國舅乙

室已小翁帳敬史准大橫帳泊國

舅二父帳改為將軍

國舅乙室已小翁帳詳穩司

國舅拔里大父帳詳穩司

國舅拔里少父帳詳穩司

國舅夷離畢司

國舅夷離畢

國舅左夷離畢

國舅右夷離畢

敝史

國舅帳剋

國舅別部世宗置

官制未詳

國舅別部敝史聖宗太平八年見國敝史蕭塔

葛

渤海帳司官制未詳

渤海宰相

渤海太保

渤海捷馬

渤海近侍詳穩司

奚王府

乙室王府並見部族官

北面官官

遼建諸官幹魯朶部族蕃戶統以北面官官具如左

諸行宮都部署院總契丹漢人諸行宮之事

諸行宮都部署

知行宮諸部署司事

諸行宮副部署

諸行宮判官

契丹行宮都部署司總行在行軍諸幹魯朵之政令

契丹行宮都部署

知契丹行宮都部署事

契丹行宮副部署

契丹行宮判官

行宮諸部署司掌行在諸宮之政令

行宮都部署

行宮副部署

行宮部署判官

十二宮職名總目

某宮

某宮使

某宮副使

某宮太師

某宮太保

某宮侍中太宗會同元年置亦曰世燭

某宮都部署司掌本宮契丹軍民之事

某宮都部署

某宮副部署

某宮判官

某宮提轄司官制未詳

某宮馬群司

侍中

敝史

某石烈石烈縣也

夷離堇本名彌里馬特本改辛亥會同元年升

麻普本名達刺干會同元年改

牙書會同元年置

某瓦里內族外戚世官犯罪沒入瓦里

抹鷲

某抹里

闡撒狝

某得里官名未詳

太祖弘義宮

太宗永興宮

世宗積慶宮

應天皇太后長寧宮

穆宗延昌宮

景宗彰愍宮

承天皇帝太后崇德宮

聖宗興聖宮

興宗延慶宮

道宗太和宮

天祚永昌宮

孝文皇帝弟敦睦宮

文忠王府已上十二宮一府部署提轄石烈瓦里抹里得

等並見營衛志

押行宮輜重夷離畢司掌諸宮巡幸扈從輜重之事

夷離畢

敬史

志第十五

欽定四庫全書

卷一百一十五

Blank manuscript page with vertical lines.

Large watermark characters: 上海圖書館藏



